



11214

II

P

1801. 11. 17.

kol.komp

Canonium.

Furkiewicz Janusz. Michał Quaestio iuridica
de permutatione beneficiorum.

~~2382~~ *Pravo*

48) (1750

IN NOMINE DOMINI AMEN.

QUÆSTIO JURIDICA

De Permutatione Beneficiorum,

Ex c. *Quasitum*. c. *Cum universorum*. De rerum permutatione. & ex c.
un. cod. tit. in 6. juncta l. *Ex placito*. & l. *Rebus*.

C. De rerum permutatione & præscriptis verbis.

DE PROMPTA.

Sub Regimine Felicissimo,

Magnifici Perillastris & Reverendissimi Domini,

D.M. STANISLAI MAMCZYNSKI,

U. J. DOCTORIS & PROFESSORIS Ejusdemq; Facultatis DE-
CANI, Collegii Juridici SENIORIS PATRIS, Ecclesiarum; Ca-
thedralis Crac: CANONICI, Collegiatae S. MICHAELIS in Arce
Crac: DECANI, Parochialis in Smarzowice CURATI, Contuber-
nii Jurisperitorum PROVISORIS, Librorum per Diocesim Crac:
CENSORIS, Canonizationis B. JOANNIS CANTII PROCURA-
TORIS, Illi Consistorii Crac: SURROGATI JUDICIS, Studii
Generalis Universitatis Crac: PROCANCELLARII, & Generalis

R E C T O R I S.

Pro loco in Collegio CC. DD. JureConsultorum

Universitatis Cracoviensis obtinendo,

Per M. STANISLAUM MICHAELEM FICZKIEWICZ,

U. J. PROFESSOREM, Ecclesiae Collegiatae SS. OO. Crac: CANO-
NICUM, Contubernii Jurisperitorum SENIOREM.

In Lectorio CC. DD. JureConsultorum,

Publicè ad disputandum,

PROPOSITA.

Annò Domini 1760. Die 5^{ta}. Mensis Februarii.

CRACOVIAE TYPIS UNIVERSITATIS.

URBANUS III. Papa.

Quæsitum est ex parte tua, si commutationes fieri valeant Præbendarum? cùm commutatio dignitatum in Turonensi Concilio fuerit interdicta. Generaliter itaq; teneas, quod commutationes Præbendarum de jure fieri non possunt, præsertim pactio-
ne præmissa, quæ circa Spiritualia vel con-
nexa Spiritualibus labem semper continet
simoniæ. Si autem Episcopus causam
inspexerit necessariam, licitè poterit de
uno loco ad alium transferre personas, ut
quæ uni loco minùs sunt utiles, alibi se va-
leant utiliùs exercere. *c. 5. De rer. permut.*





Q U Æ S T I O J U R I D I C A

De Permutatione Beneficiorum.

U. Permutatio pura & simplex, quatenus est mutua & reciproca duorum vel plurium Beneficiorum Authoritate Superioris facta resignatio, ex causis legalibus, nempe necessitatis vel evidentis utilitatis procedens, certis quibusdam substantialibus de jure præscriptis ad sui subsistentiam requisitis solemnifata & convalidata, possit nonnunquam aliquibus ex rationibus irritari & rescindi? nec ne?

C O N C L U S I O I.

Permutatio pura & simplex est mutua & reciproca duorum vel plurium Beneficiorum Authoritate Superioris facta resignatio. (1)

(1) Joan: à Chokier *De permut. Benef: par. 1. Cap. 1. Franc.*
Maria Gasparus *Instit. Jur. Can. par. 1. tit. 14.*

C O R O L L A R I U M I^{um}.

Permutatio Beneficiorum pura & simplex, licet ex præscripto Concilii Turonensis ac dispositione Juris Canonici sit omnino Clericis Beneficiatis prohibita, (2) Autoritate tamen Superioris, puta Episcopi Ordinarii, ex præscripto *Const. 58. PII V.* vel alijs Prælati Episcopalem jurisdictionem ex consuetudine legitime præscripta, vel ex privilegio speciali jus conferendi Beneficia in suo Territorio habentis, (3) fieri potest. Ceterum Autoritate Vicarii Generalis id præstari nequit, absq; speciali mandato & consensu Episcopi Loci Ordinarii, (4) qualem consensum in Causis permutationum Beneficiorum, se, dum protunc Vicarium Tuderti ageret, explorasse ab Episcopo Tudertino attestatur Vivianus. (5) Neq; demum Autoritate Capituli Cathedralis Sede Episcopali vacante, quia Capitulum Sede vacante nequit Beneficia conferre, ille autem, qui nequit conferre, nequit permutationes admittere. (6) Quod intelligendum est, quando collatio spectat ad Episcopum, secus si cumulative ad Episcopum & ad Capitulum. (7)

C O R O L L A R I U M II.

Ad permutationem Beneficiorum, ut valide fiat, præter Autoritatem Superioris, indispensabiliter requiritur, ut uterq; permutantium Beneficiatorum habeat jus in re seu in Beneficio,

2. *c. Quesitum. De Rer. permut. c. Majoribus. De Præbend. & Dignit. Tule. Pract. Concl. Juris Tom. 6. Concl. 303.*
3. *d. c. Quesitum. & d. c. Majoribus. dd. tr. Garz. De Benefic. par. II. Cap. 4. n. 72. d. Franc. Maria Gasparrus loc. cit.*
4. *Garz. loc. cit. n. 74.*
5. *Vivianus in Praxi Jurispatronat. par. 2. Lib. 12. Cap. 5. n. 29.*
6. *Garz. loc. cit. n. 80. & Franc. Maria Gasparrus loc. cit. n. 10.*
7. *Paulus Piafée. Praxi Episc. par. 2. Cap. 5. art. 2. n. 68. Laurent. de Nicollis in Praxi Canonica Tom. 2. Lit. R. n. 63. & 64.*

& non jus ad rem seu ad Beneficium, (8) non obstante eo, quod alteruter Permutantium vigore juris habiti in re, non adiit possessionem Beneficii. (9) Hinc habens Literas Expectativas à Sede Apostolica ad aliquod Beneficium vacaturum, non potest jus ad rem seu Beneficium virtute Expectativæ, cum Beneficio alterius habentis ad illud jus in re, permutare, etiam cum Autoritate Superioris. (10) Tum, quia permutatio Beneficiorum quasitorum non verò quærendorum, à jure permittitur. Tum, quia rei certæ & propriæ, non verò alienæ permutatio valet, Beneficium autem expectatum non est expectantis, (11) Item præsentatus vel nominatus ad aliquod Beneficium, vel admissus vel approbatus ad Parochialem per concursum, vel Canonicè electus, quia omnes dicuntur habere jus ad rem tantum, non jus in re, permutare cum alio nequeunt. (12) Permutatio etiam facta per Procuratorem constitutum tempore, quo Constituens non erat Dominus Beneficii, non valet, licet tempore quo Procurator permutavit, esset Dominus. (13) Pariter habens jus ad Beneficium cum habente jus in Beneficio non potest jus suum permutare, prout nec duo habentes jus ad rem duntaxat. (14) Nec, qui accepit secundum Beneficium incompatible potest permutare primum cum alio simplici: (15) quia primum vacat per ademptionem secundi incompatibilis. Secus est, si dicatur vacare in

panam

8. Geminian, in c. 1. De Rer. permut. Flammin. Paris. De Resignat. Benefic. Lib. 1. q. 21. Garz. loc. cit. par. 11. Cap. 4. n. 17.
9. Corasi: De Benef. Cap. 9. n. 1.
10. Navar. Concl. 43. n. 2. De Simonia. Joan. à Chokier. Tract. De permut. Benefic. loc. cit.
11. Geminian. loc. cit. n. 7. Joan. à Chokier loc. cit.
12. c. Venerabilis. De Except. c. Si tibi absenti. De Præbend. in 6. Zerola in Praxi Episcop. ver. Renuntiatio. §. 1.
13. Joan: à Chokier loc. cit. par. 1. cap. 1. n. 10. allegans Decis. Rota.
14. Fred. de Senis Tract. De permut. q. 13. & Joan. à Chokier loc. cit.
15. Lessius Tract. De Just. & Jure Lib. 2. Cap. 34. dubit. 35.

perham delicti, quia tamen adhuc est Beneficium ipsius quoad
jus possidendi & fruendi. (16) Nec in Beneficiis Sedi Apostolicæ
reservatis fieri potest permutatio coram Episcopo, qui talia Bene-
ficia nequit conferre, (17) multo magis in Beneficiis unitis, ac
in Beneficio litigioso, quia res litigiosa pendente lite nequit
alienari, & propriè non est sua ac propria litigantis. (18)

C O R O L L A R I U M III.

Contractu permutationis omnia Beneficia, quæ jus permittit
permutari, coram Ordinario permutari possunt, utpote Cu-
ratum cum Curato, vel si unum fuerit Curatum, alterum Simplex,
non attento eo, quod unum fuerit pingue, aliud macilentum;
quia in permutatione transfertur solum spiritualis titulus Be-
neficii, non attenta dignitate rei annexa, vel redditibus illius.
(19) Quinimo possunt permutari plura Beneficia compatibilia
cum uno, vel è converso unum cum pluribus compatilibus
quandoq; etiam unum ex duobus incompatilibus cum dispen-
satione retentis, cum alio incompatibili; modò in Literis di-
spensationis expressum fuerit, quod possit duo Curata reti-
nere, atq; illa vel illorum alterum dimittere, & locò dimissi
aliud simile acceptare. (20) Parè modò permutari potest etiam
Beneficium commendatum in Commendam perpetuam cum
Beneficio sive Simplici sive Curato. (21) Item Præstimoniam, quæ
dantur in titulum perpetuum, & habent annexum officium
spirituale, qualia dantur in Hispania. Item Hospitalia, quæ
in titulum conferuntur, & in quibus campana pulsatur ad con-
gregan-

16. Idem Lessius *loc. cit. dubit. 35.*

17. Franc: Maria Gasparus *loc. cit. n. 14.*

18. Joan: à Chokier *De permut: Benefic. par. 3. Cap. 8. n. 2. & 9.*

19. Franc: Maria Gasparus *loc. cit. n. 12.*

20. d. Joannes à Chokier *loc. cit. par. 2. Cap. 13. per totum.*

21. Idem *loc. cit. Cap. 7.*

gregandum populum ad Divina audienda, non inficiantur Do-
ctores permutari posse cum aliis Beneficiis, (22)

C O R O L L A R I U M IV.

Quamvis immediatè dictum, sit liberum esse, Jure permittente,
Beneficiatis facere permutationes puras & simplices suorum
Beneficiorum coram suis Locorum Ordinariis, restrictam nihilo-
minus habent libertatem in Beneficiis Patrimonialibus, idest
illis, quæ ex Apostolica concessione, vel Statutis, vel ex Syno-
dalibus Constitutionibus Apostolica Authoritate confirmatis, vel
ex immemoriali consuetudine necessariò conferuntur Natis, In-
colis vel originariis alicujus Patriæ, Civitatis, Oppidi vel Pa-
rochiæ, ita, ut qui filii Patrimoniales sint, debeant provideri de
ejusmodi Beneficiis, & non alii forenses easdem permutatio-
nes exercere & praticare, ex præscripto Bullæ ALEXANDRI VI.
relatæ ab Hieronymo Gonzales ad Reg: 8. Cancellariæ gloss. 9.
§. 1. n. 29. qua cavetur, ut Beneficia Patrimonialia semper pro-
videantur dignioribus per concursum, & nunquam à Sede Apo-
stolica impetrentur, imò nec admittantur permutationes, nec
ullæ resignationes, nec etiam pensionum reservationes de dictis
Beneficiis. (23) Similiter promoti ad Sacros Ordines sub titulo
Patrimonii sui, non est liberum titulum Patrimonii vicè Bene-
ficii fungentem cum Ecclesiastico Beneficio permutare, ex quo
titulus Patrimonii sit quid temporale, Beneficia verò Ecclesiastica
debent esse perpetua absolutè & per se. (24)

22. Idem loc. cit. Cap. 8. & ab eo relati Paponius lib. 2. tit. 7.
Mandosus ad Regulam de Annali q. 12. n. 3. & 4. Flamminius
Parisius Tract. De resignat. Benef. lib. 2. q. 14. n. 3.

23. Joan. à Chokier loc. cit. par. 2. Cap. 12. & Rota in una Jacensi
Recloria 19. Octobris 1598. coram D. Decano ibi = Beneficia
quæ debentur ex indulto Apostolico filiis Patrimonialibus, non
possunt permutari ad favorem filiorum non Patrimonialium.

24. Idem Joan. à Chokier loc. cit. Cap. 13.

COROL.

C O R O L L A R I U M V.

EX omnibus speciebus permutationis Beneficiorum, quales sunt pura & simplex, conditionata, facta in favorem, facta cum pacto, triangularis, quadrangularis & aliæ, sola duntaxat permutatio pura & simplex correspondens resignationi puræ & simplici fit & perficitur consensu & Authoritate Ordinarii; non item triangularis aut quadrangularis, (25) dum videlicet tres vel quatuor simul, resignant sua Beneficia ea conditione seu pacto, ut unus resignet suum Beneficium 2do, & 2dus suum 3tio, & tertius suum quarto, & quartus suum primo. *V.G.* Ego renuntio meo Beneficio in favorem Petri, ut Petrus suô cedat Paulo, & Paulus suo cedat mihi; visum enim est, ut Pauli Beneficium sit commodius mihi, Petri verò sit commodius Paulo, & meum Petro, quo posito, initur permutatio triangularis, quæ omnino est vetita fieri coram Ordinario, utpote facta in favorem, & continens expressum pactum resignationis reciprocæ. (26) Secus tamen est, si fiat in manus Papæ. (27) Et ratio diversitatis est, quia resignatio illa in favorem, vel cum pacto, quæ fit coram Papa, non habet in se conditionem turpem, cum Pontifex acceptando hujusmodi permutationem, purget eam maculâ simoniæ, vel alio vitio per Jus humanum inducto, quo Jure permutationes in favorem factæ, sunt simoniacæ. (28) Aliud dicendum in Ordinario, qui vitium illud seu turpitudinem purgare nequit. (29)

25. *Vivianus in Praxi Jurispatr. par. 2. lib. 12. Cap. 5. n. 25.*

26. *Lessius Tract. 5. De Just. & Jure Lib. 2. Cap. 35. dubio 16.*

27. *Idem Lessius loc. cit. & Azorius lib. 7. Inst. Moral. Cap. 30. versu = Quartò quæritur.*

28. *Gloss. in c. Ex parte. v. dimittere. De Offic. Judic. Deleg. Navarrus in Manuali Cap. 23. n. 117. §. Ad decimum.*

29. *Boetius Epo ad c. Cum olim. n. 97. De rer. permut. Joan. à Chokier par. 2. Cap. 25. per totum.*

CON-

CONCLUSIO II.

Permutatio Beneficiorum pura & simplex ex causis legalibus necessitatis vel evidentis utilitatis procedit (1)

COROLLARIUM I.

IN permutationibus Beneficiorum causæ necessitatis vel utilitatis disjunctivè sumptæ, non Personas ipsorum Permutantium, sed Ecclesias quæ permutantur, respicere debent, ita, ut necessitas aut utilitas hòc locò non intelligatur Personarum sed Ecclesiarum; (2) Quare permutationes Beneficiorum, quæ non habent necessitatem aut utilitatem Ecclesiarum, non potest nec debet Episcopus expedire. (3)

COROLLARIUM II.

AD permutationem Beneficiorum Authoritate Episcopi perficiendam non requiritur, ut causa necessitatis habeat se ex parte utriusq; Ecclesiæ Permutantium, sed sufficit ex parte alterutrius. Secus dicendum de causa utilitatis, quæ respicere debet utramq; Permutantium Ecclesiam; (4) quanquam non desint, qui tenent sufficere utilitatem unius Ecclesiæ pro justa causa permutationis admittendæ per Ordinarium, & quidem in fundamento textûs *c. Quæsitum. in fin. De rer. permut.* ibi = *ut qui uno loco minùs sunt utiles, alibi se valeant utiliùs exercere.* (5)

1. *c. Quæsitum. De rer. permut. Abb. in Can. Mutationes. 7. q. 1. Boer. decis. 205. n. 7.*
2. *Joan. à Chokier De permut. Benef. par. 2. Cap. 21.*
3. *Azor. par. 2. Inst. Moral. lib. 7. Cap. 30. vers. = Quartò quæritur. Caccia Instit. Jur. Canon. Lib. 2. Tit. 16.*
4. *Tusc. Lit. P. Concl. 305. n. 5. Geminian. Consil. 105.*
5. *Garz. De Benef. par. 11. n. 49. Laur. de Nicol. Jur. Can. Tom. 2. lit. R. De renunc. n. 58.*

COROL-

COROLLARIUM III.

PRæter utilitatem præcensitam alterutrius Ecclesiæ, etiam utilitas ipsorum Beneficiatorum est iusta causa admittendi permutationes coram Ordinario, (6) dummodo utilitas Permutantium saltem reductivè redundet in utilitatem Ecclesiæ, (7) quemadmodum cum Clericus tutò in loco nequeat commorari propter assiduas vel capitales inimicitias, aut propter æris intemperiem, vel non possit suo fungi munere ob idiomatis imperitiam, vel quia alter Permutantium esset Ecclesiæ utilior, v.g. ad extirpandam de Parochia hæresim, ad sublevandam à ruinis Ecclesiam, aut ad evincenda illius Jura &c. (8) aliàs si pro aliquo humano solùm commodo, non ex causa spiritali: ut melius Deo serviat, vel ut tali loco possit quis melius Deo servire, utriusq; vel alterius fiat permutatio, hujusmodi permutatio erit simoniaca. (9)

COROLLARIUM IV.

EPiscopus Ordinarius habens jus conferre permutata Beneficia, antequam ad eorum resignationem & permutationem devenit, obligatur strictè & rigorosè causas superscriptas necessitatis aut utilitatis examinare, si sint justæ, adæquatæ, veræ & non prætextuosæ, si non ex palliationibus, technis & simultatibus Permutantium procedunt. (10) Si verò permutanda Beneficia consistant in duabus Dioccesibus, utriusq; Diocesis Ordinariis

6. c. Cum universorum. & gl. in v. utilitati. & Abb. n. 7. De rer. permut.
7. Barb. De Jur. Eccl. lib. 13. Cap. 15. n. 127.
8. Joan. à Chokier loc. cit. Cap. 21. par. 2.
9. D. Th. in 4. dist. 25. q. 3. art. 3. Sylvester ver: Permutatio n. 3. Ugolinus De simonia. Garz. Tract. De Benef. par. 11, Cap. 4. n. 45.
10. Anchoran: Consil. 219. Cravetta Consil. 82. n. 82. Rebuff: in Praxi sit. De permut. n. 19. c. Quæsitum. De rer. permut. ibi = Si enim Episcopus causam conspexerit necessariam, licitè poterit de uno loco ad alium transferre personas.

dinariis incumbit, sicut Auctoritatem super permutatione dare, ita prædictum diligens examen præmittere. (11) Causis demum iustis per Episcopum vel Episcopos adinventis, firma permanebit permutatio, nec ob id, si postea eadem causæ cessaverint, annullari poterit & rescindi. (12)

C O R O L L A R I U M V.

Beneficiati intendentes permutare inter se Beneficia sua, possunt tuto & securè extra metum simoniæ, inter se de facienda permutatione, deq; causis utilitatis vel necessitatis allegandis tractare, ac de facienda permutatione convenire, dummodo se muniant hac cautione: qd & quatenus approbetur à Superiore, (13) Talis enim medius tractatus de causis necessitatis vel utilitatis, ac de ipsa permutatione, est medium moraliter necessarium ad permutationem faciendam, nè hanc intendens, cæcò modò suum Beneficium permutare cogatur cum Beneficio alterius, ignorans an ille ad hoc habeat animum; atq; concessio sine, puta permutatione Beneficiorum, censentur etiam concessa media, sine quibus finis commodè obtineri nequit. (14)

C O N C L U S I O III.

Permutatio Beneficiorum pura & simplex, certis quibusdam substantialibus de Jure præscriptis ad sui subsistentiam requisitis solennifatur & convalidatur. (1)

11. Vivian. in Praxi Jurispatr. par. 2. lib. 12. Cap. 8. n. 26. Laur. de Nicoll. in Praxi Canonica Tom. 2. sub Lit. R.
12. Barb. Juris Eccl. universi Lib. 5. Cap. 15. n. 172. Reiffenst. lib. 1. tit. 9. n. 96. De renunc.
13. Reiffenst. lib. 1. tit. 10. §. 4. n. 102. Abb. in c. Quæsitum. n. ult. Pirrhing. De rer. permut. n. 21.
14. arg. c. Præterea. 5. De Offic. Jud. Deleg. Reiffenst. loc. cit. d. n. 102.
1. Garz. par. 11. De Benef. Cap. 4. c. un. De rer. permut. in 6. Franc. Maria Gasp. Inst. Canonic. par. 1. tit. 14. De permut. Benef. n. 3. Laur. de Nicoll. in Praxi Canonica Tom. 2. sub lit. R. De renunc.

C O R O L L A R I U M ^{1mum.}

AD permutationem Beneficiorum puram & simplicem complendam, & ab Episcopo admittendam, præscribuntur à jure decem in specie requisita: *1mo*, ut fiat permutatio Beneficii cum Beneficio. *2do*, iusta causa per Episcopum discutienda & disjudicanda. *3tio*, Consensus Patronorum & aliorum quorum interest. *4to*, ut permutationem præcedat actualis permutandorum Beneficiorum resignatio. *5to*, nova collatio Beneficiorum sic vacantium, prævio examine si Curata fuerint, & professione Fidei. *6to*, ut ejusmodi permutatio & collatio fiat purè, hoc est sine imposita pensione vel alio onere aut pacto. *7mo*, ut Literæ permutationis simul expediantur. *8vo*, ut antequam possessio accipiat, publicatio resignationum & permutationum fiat in Ecclesiis resignatis ex causa permutationis. *9no*, Autoritas Superioris. *10mo*, consensus seu tractatus mutuus permutare volentium Autoritate Superioris, (2) qui quidem tractatus potest fieri ante complendam permutationem, non item quando jam completa est. (3) demum ex Jure Constitutionum Provincialium Regni Nostri, continuatio studii per triennium in Universitate approbata, ibi = *Statuimus, ut Ordinarii non conferant Beneficia quæcunq; & qualiacunq; nisi illis, qui per triennium in UNIVERSALI STUDIO APPROBATO Literis operam dederint, literasq; testimoniales Rectoris Gymnasii, de super Ordinariis ostenderint. Rogariq; debet Sacra Regia Majestas per Archi-Episcopum & Episcopos, & Patronis Sacularibus persuaderi, ut tales Personas Ordinarii ad Beneficia eorum Patronatûs, præsentent instituendas, si autem in hac re persuaderi non poterint, tunc Ordinarii injungant districtè taliter institutis, ut studeant similiter in STUDIO UNIVERSALI APPROBATO per biennium post factam institutionem.* (4)

2. Reiffenst. *Juris Canon. univ. lib. 1. tit. 19. De renunci. n. 100. Laur. de Nicol. loc. cit. eod. tit.*

3. *glos. in c. Cum univerforum. De rerum permut. v. Tractare.*

4. *Constit. Provinc. Lib. 3. Tit. De Institution. & qualic. instituend.*

COROL.

C O R O L L A R I U M II.

Permutatio pura & simplex bene potest esse Beneficii cum Beneficio Autoritate Episcopi, non item Beneficii cum pensione, & multo magis cum re temporali, (5) aut pensionis cum pensione. (6) Quod autem nequeat fieri permutatio Beneficii cum pensione, aut cum aliqua alia re temporali, Ratio est: quia Episcopis in Jure solum est permittum concedere & approbare permutationem Beneficiorum, non item Beneficii cum pensione; proinde facultas Beneficia permutandi concessa Episcopis, non est extendenda ultra tenorem verborum ad permutationem Beneficii cum pensione. (7)

C O R O L L A R I U M III.

Quamvis ad convalidationem permutationis Beneficii de Jure Patronatus, consensus Patronorum requiratur, illeque sufficiat post permutationem praestitus, imò etiam tacitus per non reclamationem. (8) Secus si reclamant; quo casu permutatio erit ipso Jure nulla. (9) Similiter erit nulla ipso Jure, si Permutantes scienter spernant Patronum aut Patronos, quibus contradicentibus, Permutantes non possunt ad sua redire Beneficia, sed illa vacant, & Patroni possunt alios praesentare. (10) Nihilominus si Patronus requisitus pro suo consensu, illum deneget sine justa causa,

Bi

causa,

5. Bonac. *De simonia disp.* 1. q. 5. §. 12. n. 8. Barb. *De Jur. Eccles.* lib. 3. Cap. 15. n. 178.
6. Garz. *De Benef.* par. 1. Cap. 9. n. 18.
7. arg. c. Cui de non. 27. De Prabend. in 6. Reiffenst. *loc. cit.* n. 100. De renunc.
8. Lambert. *De Jurepatr.* p. 1. lib. 2. q. 6.
9. Loterius *De Benef.* lib. 2. q. 14. n. 75. & seqq.
10. Idem Loter. *loc. cit.* n. 84. & seqq. Rota in Gerunden. permutationis s. Julii 1595. coram D. Litra, quam refert Garz. *De Benef.* par. 11. Cap. 3. sub n. 19.

causa, potest Episcopus Authoritatem prestare validè, sine consensu Patroni, (11) nè impediatur utilitas Ecclesiæ.

COROLLARIUM IV.

Quartum requisitum substantiale, ut nimirum permutationem Beneficiorum, præcedat actualis permutandorum Beneficiorum resignatio, non intelligitur de pura & simplici resignatione, sed cum expressa causa permutationis in manibus Episcopi facta. (12) Et resignatio quatenus talis cadit sub Regulâ Cancellariæ 19. *De viginti* (13) quæ operatur, ut si Beneficiatus sanus prævia resignatione mutua, commutet Beneficium suum cum alio Beneficiato infirmo, Beneficiatusq; infirmus intra viginti dies post factam resignationem moriatur, Beneficium morientis censeatur vacare per obitum, & sic reddatur permutatio frustranea. (14) Secus, si resignatio Beneficiorum facta fuerit utroq; Permutantium in statu perfectæ sanitatis existente, quia Regula inquit = *Si quis in infirmitate constitutus resignaverit.* = (15)

COROLLARIUM V.

EX Constitutione Pontificia GRÉGORII XIII. quæ incipit = *Humano vix iudicio* = edita Nonis Januarii 1583. accessit novum circa Beneficiorum permutationes requisitum, per quod ordinatur, ut Beneficiorum resignationes, tam simplices quàm ex causa permutationis factæ, in Romana Curia debeant publicari Citramontanæ intra sex Menses, Ultramontanæ intra novem Menses. Ex autem quæ coram Ordinariis fiunt, & eorum provisiones

11. Felin. in c. *Cum accessissent.* n. 30. *De Constit.* Abbas in c. *Quæstio* n. 9. *De Rer. permut.* Franc. Maria Gasp. loc. cit. tit. 14. *De permut. Benef.* n. 6.
12. Joan. à Chokier. *De permut. Benefic.* par. 1. Cap. 5. n. 1.
13. Idem loc. cit.
14. Reiffenst. lib. 1. tit. 10. *De Renunc.* §. 3. n. 68.
15. Idem loc. cit. n. 71.

siones intra Mensem à die resignationis & provisionis secutæ in Ecclesiis permutatis, vel si adsit pestis aut aliud periculum, in vicinis publicari debent, & si publicatæ non fuerint, eo ipso Beneficium illud vacaret, & subjaceret reservationi & dispositioni Sanctæ Sedis, ita, ut nec resignans possit reperere istud Beneficium. (16) Quam Constitutionem extendi etiam ad Beneficia Jurispatronatûs praxis Romana docet. (17) Nihilominus eadem Constitutio sicut in pluribus locis non est usu recepta, ita præscripta resignationum publicatio ad effectum non est deducta, (18) imò nobis etiam Ultramontanis vix esse usitatam testatur Piascecius, (19)

C O N C L U S I O IV.

Permutatio Beneficiorum pura & simplex, ex causis justis procedens, certis quibusdam substantialibus requisitis sollemnifata & convalidata, irritari nonnunquam & rescindi aliquibus ex rationibus potest. (1)

C O R O L L A R I U M *im.*

Rationes, ex quibus permutatio Beneficiorum complera & certis substantialibus requisitis sollemnifata nonnunquam irritari & rescindi potest, sunt potissimum fraus, simonia, per falsam rei expositionem Superioris deceptio, & voluntarius alterutrius Permutan.

16. Laur. de Nicollis in *Praxi Canonica* Tom. 2. sub lit. R. De renuntiat. n. 88. Reiffenst. lib. 1. tit. 9. De renunc. §. 6. De publicat. resign. n. 134. Joan: à Chokier par. 3. Cap. 15. per totum. Piascecki in *Praxi Episcop.* par. 2. Cap. 5. art. 3. n. 46.
17. Seraph. decis. 1286.
18. Garz. par. 11. De Benefic. Cap. 3. n. 289. Pirrhing. De Resignat. Benefic. n. 109. Reiffenst. loc. cit. n. 135.
19. Paulus Piascecki in *Praxi Episc.* par. 2. Cap. 5. art. 3. n. 47.
1. Joan: à Chokier par. 3. Cap. 1. & 2.

mutantium dissensus, seu à permutatione jam completa recessus; (2) quandoquidem expeditum est, contractum permutationis fraude carere debere, (3) quia quotiescunq; emergit, actum contrahentium ita inficit, ut nullus reddatur, & nemini ex suo dolo seu fraude commodum reportare convenit. (4)

C O R O L L A R I U M II.

FRaus in contractibus permutationis Beneficiorum interveniens, uti omni jure odiosa nunquam præsumitur, nisi probetur & quidem in specie esse talis, & cum nequeat probari directè (5) probatur per verisimiles conjecturas, ut v.g. quia renuntiationis tempore is, qui Præbendam vel Dignitatem pinguiorem habuit infirmitate gravi detinebatur, vel aliquid aliud imminerebat, propter quod illius Præbenda vel Dignitas vacare in proximo probabiliter credebatur. Vel si Permutans cum nepote contraxerit, & regulare est, quod ex conjunctione sanguinis dolus & fraus præsumatur. (6) Item, quando is, qui renuntiat, semper remanet in possessione Beneficii resignati. Item, quando Beneficiatus permutat Beneficium pingue cum alio tenui. Item, quando qui permutavit est senilis & decrepitæ ætatis. (7) Postremò fraudis suspicionem seu conjecturam inducit, si fiat permutatio cum Beneficio vel Capellania ficta, vel cum Canonicatu, qui nullius erat momenti; quia jactare suum quis in dubio non præsumitur, (8) hujusmodiq; permutationem irritam prosemper declaravit Pontifex, (9) semperq; in judicio venit irritanda & rescindenda.

2. *Passim DD. in Rubricam De rerum permut.*

3. *c. Licet in tua. un. De rer. permut. in 6.*

4. *l. Heres meus. 76. §. Quod infra, ff. De Condit. & Demonstration. c. Nobis. De simonia;*

5. *l. Dolum. C. De dolo.*

6. *l. Non solum. & ibi DD. ff. De ritu Nuptiarum.*

7. *Joan: à Chokier par. 1. Cap. 1.*

8. *l. Cum de indebito ff. De Probat.*

9. *PIUS IV. in Const. publicata A. 1564. Senatus Parisiensis apud Paponem lib. 2. Arrestor. tit. 7. Arresto 1mo.*

COROL.

COROLLARIUM III.

Contractus permutationis Beneficiorum à Beneficiatis mutuò & reciprocè factus, cum clandestino ab utrinq; acceptato pacto, ut fructus excedentes proventus minoris Beneficii solvantur Compermutanti, sicut fuit à principio ex pacto clandestino simoniacus & nullus, (10) ita detectò postea pacto hujusmodi per confessionem alterutrius Permutantium, vel ex delatione tertii, vel ex Literis missivis petitionem præstandæ hujusmodi pensionis continentibus, vel aliis aliquibus causis, rescindendus, cassandus & revocandus per sententiam Judicis venit, cum declaratione incidentiæ in simoniam realem & excommunicationem Papalem tam ipsorum Permutantium, quàm illorum Mediatorum, (11) nec in minimo suffragante authoritate Superioris nempe Episcopi, ex quo sanare turpitudinem contractûs ex vitio simoniæ ortam nequit. (12)

COROLLARIUM IV.

Deceptio Superioris nimirum Episcopi per falsam rei expositionem, sit interdum causa sufficiens & adæquata irritationis & rescissionis contractûs reciproci permutationis Beneficiorum etiam per requisita substantialia solennisati, quod accedit tunc, quando volentes permutare exponunt coram Superiore Beneficium quod est affectum vel reservatum Sanctæ Sedi, esse liberum, & nullo modo affectum aut reservatum. Vel Beneficium, quod est Patrimoniale, exponunt esse non Patrimoniale, aut quod est unitum, non esse unitum dicunt; tali enim modo decepti Superioris Authoritas non tribuit tantum robur firmitatis contractui, quin rescindi & irritari valeat. Quod enim latenter, vel aliàs illicite introductum est, nulla debet stabilitate subsistere. (13)

10. Navarrus *Consil. 50. lib. 5. De simonia.*

11. *Extrav. 2. De simonia.*

12. *Const. PII V. edita Annò 1569. Calendis Junii. Joan. à Chokier De permut. Benefic. par. 3. Cap. 2. & 16.*

13. GREGORIUS in c. *Quod latenter. De Reg. Jur. c. Universorum. De rerum permut. & ibidem glossa.*

C O R O L L A R I U M V.

Voluntarius alterutrius Permutantium dissensus, seu à permutatione Beneficiorum jam completa & solennisata liber recessus, est causa irrationis dissolutionis & rescissionis Contractus permutationis, imò per ipsum etiam dissensum sub autoritate Superioris irritatur, dissolvitur & rescinditur, puta si causa iusta subsit, v. g. quia unus Beneficium reservatum permutavit, vel in permutato Beneficio nullum jus in re habuit; secus si nulla causa ad recedendum subsit. Cessante enim impedimento & perfecta ab utrinq; permutatione, si unus ex facto pacta rescindat, non continuo concidit Contractus; nec contra turbantem intendit quis iudicium, ut resolvatur primus Contractus & jus pristinum redeat, sed ut observentur promissa agendum erit. (14) Quod si verò in ordine ad permutandum unus ex paciscentibus Beneficium suum resignavit, alter verò resignare nolit, illi, qui resignavit, remanebit ad Beneficium regressus, non obstante resignatione, nam ille qui resignavit, non resignavit simpliciter, sed sub conditione, ut etiam alius Beneficium resignet. Conditione igitur non servata potest prius Beneficium autoritate Superioris repetere per conditionem = *causâ datâ, causâ non secutâ*. (15)

14. c. Inter R. De Elect. l. Incivile C. De rei vindicat. Joan: à Chokier par. 3. Cap. 9. n. 3. l. 3. & 6. C. De rerum permut. & prescript. verb.

15. Franc: Maria Gasparus Instit. Canonic. par. 1. tit. 14. De permut. Benefic. n. 8. d. c. Cum unipersonum. De rer. permut.

Hinc Illi

Cujus Fide & beneficiis vivimus, *Æsther* 16.
Qui dedit vicissitudinum, permutationes,

Sap. 7mo.

DEO TER OPTIMO MAXIMO,
sit laus, honor & gloria.

F. 11. 33.

mu.
re.
tus
cate
usta
lin
usta
ecta
non
ndic
num
od si
nefi.
gna-
one,
con-
gitur
re-

okier
verb.
. De
.

r 16.
nes,

Biblioteka Jagiellońska



stdr0025863

